山庫全幸

史部

欽定四庫全書

歷代名臣奏議卷七十四

詳校官檢討世朱依灵 編修臣表無覆事

總校官編修臣王燕緒 校對官点主臣見風儀 膽録監生臣曹方昇

たこうしいこう 為后富辰諫曰不可夫婚 周襄王十 國也由大 内治 則取禍令 歷代名臣奏 代名臣奏議也大任王 姻 禍福之階也 鄭 祖其無乃陷禍乎 美 王德翟人将以其 妃仲 文 虺 王之 利内則福 之後 撰 母人 女 由 任

銀片四月 由 羅 侯女 徝 季 獲 之姓 女姬 繒 成周 由 夫為 魯 也鼓 之 2 武 息 昭 國 鄶 1/2 £ 山 之王 妙之 仲 鄭 邬 鄧 な 由 姬 任 夫 大 國 姒 取姬 氏羅 由 叔 本家 是 占 农把 姜 於鄭 之熊 楚 皆能 妘 吴 大姜 -女 女姓 曼 須由 姓鄶 矣 為 姓 王 大 為之 内 姒國 亦 鹏 之嫉 之四 雅國 文鄧 利 伯 曼 其夫 女姓 妃岳 支姒 夫季 王 姞 親 過姓 為 同人 之 人姬 王 2 王 姓 x 廬 親 姓同 鄶 國 郅楚 鼓伯 季 梭 之 者 之 所姓 夫叔闕 由 曼 姑 大 妃禹 而 也昔郡之亡 單 客 姜 母 武 荆 利 鄧 以相 人妘 2 之、 问 頻 王俊 女 亡取 Ļ 2 息山陳 聃 甲 之 陳 國為 之 大 廬廬 由 此女 由 女娲 遂楚 好 如 鄭 則 也 也由 為姓 滅武 2 如正 爻 傳 齊 姬 荆 之 王聃 鄧王 日 £ 國息 神 許 衣 之姬 帲 舜陳 **夫 國** 而夫 陳姬 子姓 刹 滅 頻 任 後媽 申 媽姓 大姓 之生 陳之| 聃文 妘鄏 吕 而之

欠己の長之子! 是皆外利親親者也王曰利何如而外對曰尊貴明賢 徳也鄭未失周典王而蔑之是不明賢也平桓莊惠旨 也王而甲之是不尊貴也或云南南西君也 利退上求不暨是其外利也夫翟無列於王室鄭伯南 方而財不匱竭求無不至動無不濟百姓兆民夫人奉 故舊也然則民莫不審固其心力以役上令也為官不易皆君之然則民莫不審固其心力以役上令及為官不易 利而歸諸上是利之内也若七德離判民乃攜貳各以 庸敷長老切也長老尚由也受親禮新親舊新米過實也 歷代名臣奏議 翟豺狼之

漢孝文帝幸上林皇后慎夫人從其在禁中常同席坐 登叔隗以陪濯濯封豕豺狼也不可厭也王弗聽 弱之是不長老也以之名程限姓也春程鄭出自宣王 受鄭勞王而棄之是不庸熟也鄭伯捷之齒長矣王而 及坐郎署長布席中郎将袁盎引却慎夫人坐慎夫人 有之曰必有忍也若能有濟也王不忍小忿而棄鄭又 任非禮且棄舊也王一舉 而棄七德臣故曰利外矣書 王而虐之是不愛親也夫禮新不問舊王以翟女問姜

金分世屋台書

宣帝神爵元年王太后數出遊獵京兆尹張敞諫曰禮 序則上下和今陛下既已立后慎夫人乃妾妾主豈可 怒不肯坐上亦怒起入禁中益因前說曰臣聞尊甲有 名於以上聞亦未宜也太后乃不復出 夫人慎夫人賜盎金五十斤 與同坐哉且陛下幸之即厚賜之陛下所以為慎夫人 君母出門則乗輜斬下堂則從傳母令以田獵縱欲為 適所以禍之陛下獨不見人彘乎於是上乃說召語慎

次已四年 在時

官詈及主上許皇后坐廢考問班便仔便行對日妾聞 成帝游於後庭當欲與班便行同華載便行辭曰觀古 古有樊姬今有班便仔 金灯儿屋 鬼神有知不受不臣之憩如其無知憩之何益故不為 鴻嘉三年趙飛燕諧告許皇后班便仔挾媚道祝祖後 欲同輦得無近似之乎上善其言而止太后聞之喜曰 圖畫賢聖之君皆有名臣在側三代末主通有嬖女今 死生有命富贵在天脩正尚未紫福為邪欲以何望使 A THE 卷七

昔武王周公承順天地以饗魚鳥之瑞然猶君臣祗懼 摩雖風夜自責改過易行畏天命念祖業妙選有德之 成帝欲立趙便行為皇后先下詔封便行父臨為列侯 世考上窈窕之女以承宗廟順神祇心塞天下望子孫 之所違以先降以灾變此神明之徵應自然之占驗也 諫大夫劉輔上書言臣聞天之所與公先賜以符瑞天 動色相戒況於季世不紫繼嗣之福屢受威怒之異者 上善其對憐閔之賜黃金百斤

欠已日長 八五方

下深察 好父不能得之於子況臣能得之於君乎是臣所不敢 東漢光武時郭皇后廢郅惲乃言於帝曰臣聞夫婦 以為柱甲人不可以為主天人之所不予必有禍而 同姓拔擢尸禄不忠污辱諫爭之官不敢不盡死唯陛 福市道皆共知之朝廷莫肯壹言臣竊傷心自念得 天下不畏於天不處於人感莫大馬里語曰腐木不 之祥猶恐晚暮今廼觸情縱欲傾於甲賤之女欲以母 可

金月世月月

當賢就值其人猶非德選夫歧疑形於自然倪天公有 異表宜參良家簡求有德德同以年年鈞以稅稽之典 靈神篇籍所記祖宗典故未當有也恃神任筮既不火 壽以神定選尚書僕射胡廣與尚書郭度史敞上疏諫 たこうこ 帝曰憚善恕已量主知我必不有所左右而輕天下也 順帝欲立皇后而貴人有寵者四人莫知所建議欲探 言雖然陛下念其可否之計無令天下有議社稷而已 曰竊見詔書以立后事大謙不自專欲假之籌策決疑 1.1. 歷代召臣奏義

嚴厲為名及鄧皇后敗而田貴人見幸桓帝有建立之 狄女襄王出居于鄭漢立飛熊成帝肖嗣派絕母后之 議奉以田氏微贱不宜超登后位上書諫曰臣聞周納 梁貴人良家子空立為皇后 臣職在拾遺憂深賣重是以焦心冒時陳聞帝從之以 桓帝延熹中應奉為司隷校尉糾舉姦違不避豪戚以 經斷之聖慮政令猶汗往而不及詔文一下形之四方 重與廢所因宜思關睢之所求遠五禁之所忌帝納其

到定四库全書

巻七十四

次已四年 在馬 廟陰教幸脩易曰家道正而天下定由内及外先王之 衰從之故西陵配黄英城降為並以賢明流芳上世祭 元妃以取先代世族之家擇其令淑以統六宫度奉宗 奔南巢禍陷末喜紂以炮烙怡悅妲已是以聖哲慎立 在昔帝王之治天下不惟外輔亦有內助治亂所由盛 魏文帝黄初三年欲立郭貴嬪為后中郎棧潜上疏曰 令典也春秋書宗人緊夏云無以妄為夫人之禮齊桓 歷代名臣奏議

言竟立實皇后

相 若因愛登后使賤人暴貴臣恐後世下陵上替開張非 誓命于葵丘亦曰無以妄為妻今後宮嬖寵常亞乗興 晉武帝寧康三年將納后訪于公卿時王蘊女容德淑 以塗山作儷而夏族以照任如配周而姬祚以昌今長 **桑倫攸叙靈根長固本枝百世天人同致莫不由此是** 令舉以應選中軍将軍桓沖等奏曰臣聞天地之道盖 度亂自上起也 須而化成帝后之德以相協而政隆然後品物流行

金灯口屋

白雪里

燕飲以是思相歡也婚合以夜思相親也故上下有成 唐太宗貞觀中城陽公主下嫁薛瓘初主之婚帝使卜 德乾元恭承宗廟徽音六宫母儀天下於是帝始納馬 内外有親動息有時吉凶有儀今先亂其始不可為也 史馬周諫曰朝謁以朝思相戒也講習以畫思相成也 之縣曰二火皆食始同榮末同戚請畫昏則吉監察御 順四業先備且盛德之胄美善先積臣等參議可以配 秋将建宜時簡擇伏聞試守晉陵太守王藴女天性柔

欠巴马声 在的

昔漢明帝欲封其子云我子豈得與先帝子等可半楚 愛欲少加之何為不得請倍永嘉長公主魏徴曰不可 相踰越太宗然其言入謂文德皇后曰我欲加長樂公 准陽前史以為美談天子姊妹為長公主天子之女為 公主既加長字即是禮有尊崇或可情有淺深無容禮 所鍾愛今将出降禮數欲有所加玄齡等成曰陛下所 太宗謂房玄齡等曰長樂公主皇后所生朕及皇后並

金好也母有書

夫卜所以決疑若黷禮慢經先聖人所不用帝乃止

卷七十四

久已日日上上十三 · 敢不賀上乃悅 朝服曰妾聞主明臣直令魏徵直由陛下之明故也妾 将物相賞公有事即道勿為形迹也上嘗罷朝怒日會 聞信非虚妄願公常保此心莫移今日喜聞公言故令 須殺此田舎翁后問為誰上曰魏徵每廷辱我后退具 十萬絹四百匹詣徵宅宣令謂徵曰比者常聞公中正 而不能得見今論長公主禮事不許增加始驗從來所 主禮數魏徵不肯文德皇后聞之大喜遣中使稱錢二 歷代名臣奏議

華記書已出策史未發魏徵間其已許嫁陸氏方遞進 時莫及文德皇后訪求得之請備嬪御太宗乃聘為充 民有室家之歡此人主之常道也今鄭氏之女久已許 樂自古有道之主以百姓心為心故君處臺榭則欲民 太宗時隋通事舎人鄭仁基女年十六七容色絕殊當 人陛下取之不疑無所顧問播之四海豈為民父母之 有棟宇之安食膏梁則欲民無飢寒之患頹嬪御則欲 而言曰陛下為人父母撫愛百姓當憂其所憂樂其所

金分正屋台書

責遂停策使乃令女選舊夫左僕射房玄齡中書令温 義乎臣傅聞雖或未的然恐虧損聖德情不敢隐君舉 為疑問徵曰羣臣或順旨陸氏何為過爾分疎徵曰以 顯然之状大禮既行不可中止又陸氏抗表云甚父康 彦博禮部尚書王珪御史大夫常提等云女適陸氏無 並云外人不知妄有此說大臣又勸進太宗於是頗以 在日與鄭家還往時相贈遺資財初無婚姻交洪親戚 **火書所願特留神愿太宗聞之大驚手詔答之深自剋**

火包可事在馬

後陰加譴適所以及覆自陳意在於此不足為惟太宗 每懷戰懼常恐不全首領陸爽以為陛下今雖容之恐 為太子舎人太上皇間之不說遂令東宫出為萬全縣 笑曰外人意見或當如此然朕之所言未能使人必信 臣度之其意可識将以陛下同於太上皇太宗曰何也 乃出勃曰今聞鄭氏之女先已受人禮聘前出文書之 徴曰太上皇初平京城得辛處儉婦稍衆遇寵處儉時 日事不詳審此乃朕之不是亦為有司之過授充華者

金人口匠

白量

禮部尚書王珪子敬直尚太宗女南平公主珪曰禮有 主上欽明動循法制吾受公主謁見豈為身榮所以成 婦見舅姑之義自近代風俗與薄公主出降此禮皆廢 多聚宫人此皆竭人財力朕所不取且灑掃之餘更何 其情性於是後官及掖庭前後所出三千餘人 所用今将出之任求伉儷非獨以省費息人亦各得遂 可愍隋氏末年求採無已至於離宫別館非幸御之所 宜停時莫不稱數上曾謂侍臣曰婦人幽閉深宫情實

欠足四事心島

金是世屋有量 或謂無忌當先諫遂良曰太尉國元舅有不如意使上 高宗将立武昭儀召長孫無忌李動于志寧及遂良入 不如意使上有斥功臣之嫌曰吾奉遺詔若不盡愚無 姑者皆遣備行此禮 饋之道禮成而退太宗聞而稱善是後公主下降有舅 以下見先帝既入帝曰罪莫大於絕嗣皇后無子令欲 有棄親之機又謂動上所重當進曰不可空國元熟有 國家之美耳遂與其妻就位而坐令公主親執巾行盟

第今立之奈天下耳目何帝羞默遂良因致笏殿陪叩 九三日巨八子 藩時先帝所娶今無罪報廢非社稷計不納明日復諫 髙宗時王后之廢侍中韓瑗雪泣言曰皇后乃陛下在 頭流血曰還陛下笏丐歸田里 下必欲改立后者請更擇貴姓昭儀告事先帝身接惟 **遽忘之皇后無他過不可廢帝不悅翌日復言對曰陛** 陛下手語臣曰我兒與婦今付妳且德音在陛下耳可 立的儀謂何遂良曰皇后本名家奉事先帝先帝疾執 歷代名臣奏議

金分口四全書 宗廟母天下宜擇禮義名家幽問令叔者副四海之望 察 髙宗将以武氏為后中書令来齊諫曰王者立后以承 子乎詩云赫赫宗周褒姒威之臣讀至此常報卷太息 彼成帝縱欲以婢為后皇統中微其禍如此惟陛下 稱神祇之意故文王與姒關睢之化蒙被百姓其福 不圖本朝親見此禍宗廟其不血食乎 曰王者立后配天地象日月匹夫匹婦尚知相擇況天 卷七十

とこうきしょう 身傳位天后乎天下者高祖太宗之天下非陛下之天 中書侍郎李義琰曰處俊言可從惟陛下不疑事遂沮 治陽道后治陰德然則帝與后猶日之與月陽之與陰 中宗復位以桓彦範為侍中上書戒帝曰詩以闕睢為 各有所主不相奪也若失其序上謫見於天下降災諸 下正應謹守宗廟傅之子孫不宜成國與人以喪厥家 人昔魏文帝著令帝崩不許皇后臨朝今陛下奈何欲 上元中帝多疾欲遜位武后中書令郝處俊諫曰天子 **胜代名区奏議**

臣愚謂古王者謀及婦人皆破國亡身傾輈繼路且以 故書曰牝雞之晨惟家之索易曰無攸遂在中饋言婦 齊姜伏見陛下臨朝視政皇后必施惟殿上預聞政事 始言后妃者人倫之本治亂之端也故舜之與以皇英 殿于外朝深居宫掖修陰教以輔佐天子 人不得預外政也伏願上以社稷為重令皇后無居正 陰東陽遠天也以婦凌夫遠人也遠天不祥違人不義 而周之興以任似祭奔南巢禍階末喜魯桓滅國惑始

多定四库全書

依德以親九族九族既睦平章百姓詩曰協此其鄰 書曰病之在四體者跡分而易逐居心腹者候逐而難 黨相該毀親貴離閱帝患之欲令敦和以訪平一 景龍中武平 内離您結姻姬疑生骨肉邀樂之徒說獻忠款膏層之 姻 治刑政乖奸四支疾也親權猜問心腹患也書曰克明 伍茍輸讒計有肩即第之中噤順媪官之側故過從絕 孔云是知親族以輯睦為義也自項權貴精防外 遷考功負外郎時太平安樂公主各立 一因 婚

欠三丁良

2.1.17

忠切 玄宗欲立武惠妃為后御史潘好禮上疏曰禮父毋讎 若猶未已則捨近圖遠抑慈示嚴惟陛下之命帝美其 常天下共疾大惡本垂陰志士不息盗泉飛溢廣夫 猜嫌構親愛乖黨與生積霜成水禍不可既願悉召近 以見天下士妃再從权三思也從父延秀也皆干紀亂 不共天春秋子不復雠不子也陛下欲以武氏為后何 親貴人會宴內殿告以輯睦申以恩勤斥姦人塞義路

銀好四月全書

情以作事感天意以致和從古以來其道由此陛下 憲宗時學士李絳奏伏以聖哲之君撫取之要必順 安古人所以諫其漸者有以也遂不果立妃 太子非惠妃所生而妃有子若一 息矣令人間咸言右丞相張說欲取立后功圖復相 心春秋宋人夏父之會無以妄為夫人齊桓公誓葵丘 曰無以妄為妻此聖人明嫡庶之分分定則窺競之 儷宸極則儲位将 勵

飲

匹夫匹婦尚相擇況天子乎願慎選華族稱神祇之

次巴口阜上

歷代名臣奏議

十四

金月四月月青 宫中人數稍久漸多伏處驅使之餘其數猶廣上則屢 前王後宫之中人数不少離别之岩頗感人心怨曠之 翰林學士白居易上奏曰右伏見大歷已来四十餘載 聖恩允許便請入德音後亦更論減放 性之樂道映青史化治皇風敢竭消塵底裡萬一如蒙 復得宫掖省費上以表大德如天之思下以成群生遂 思有干和氣伏冀酌量所要於放其餘使其親戚如初 精求理損已推誠風動四方事貞百度作範来代掩美

武宗會昌中李德裕上言臣等伏見公主上表稱妾李 盛明之德可動天心感悦之情必致和氣光垂史册美 諸道路所出不多臣伏見自太宗玄宗以來每遇灾旱 繼祖宗貞觀開元之風復見於今日矣 多有揀放書在國史天下稱之伏望聖慈再加處分則 之苦事宜省費物有遂情項者已蒙聖恩量有揀放聞 給衣食有供億麼費之煩下則離隔親族有幽閉怨曠

欠己日年 きかう

者伏以臣妾之義取其賤稱家人之稱亦要別媽因循

范仲淹奏曰太后受遺先帝調護陛下者十餘年宜掩 族所真臣子之道因此正名郡主縣主亦望准此 公主以下並望今稱某邑公主第幾女上表仍不今稱 舊章思未為得臣等商量今日以後公主上表從大長 后母號也自古無因保育而代立者令一太后崩又立 后遺語以太妃楊氏為皇太后祭決軍國事仲淹曰太 其小故以全后德帝為詔中外毋報論太后時事初太 宋仁宗天聖中太后崩言事者多暴太后時事右司諫 を七十

金分四月分言

פט

族 これしり こいいり 情實可憫隋氏末年求採無已此皆竭人財力朕所 月十八日部曰觀省宫掖其數實多憫兹深閉人離親 慶歷中仲淹為參知政事上奏曰臣聞唐武徳九年 杜 取掃酒之餘更何所用於是命尚書右丞戴胄給事中 又貞觀二年七月二日太宗謂侍臣曰婦人幽閉深宫 太后天下且疑陛下不可一日無母后之助矣 正倫於披庭西門揀出之臣不知令来宫中人數 一時減省各從娶娉自是宫中前後所出三千餘 歷代名臣奏議

費亦人君盛德之事可以感動天意 多或供使有餘宜降的音特令減放以遂物性又省冗 不聞有過陛下忽然廢斥物議騰踴自太祖太宗真宗 天處犯斧鉞一陳愚態惟陛下裁察之皇后自居中宫 理范仲淹以上章諫廢后事貶睦州通判仍差人押 明道二年将作監丞富弼上奏曰臣聞右司諫秘閣校 撫國凡七十年未曾有此陛下為人子孫不能遵祖考 臣不勝驚駭伏恐陛下行於倉卒未熟思愿軟敢冒

金定匹库全書

所諫不當猶須含忍以招諫諍況仲淹所諫大偃億萬 淹為陳官所以極諫者乃其職也陛下何故罪之假使 之訓而遂有廢后之事治家而尚不以道奈天下何仲 安遂忘舊日忠臣羅織其罪而譴逐之陛下以萬乗之 其欲陛下可以保其位實忠臣之力也令陛下始獲暫 敢行武后故事者盖賴一二忠臣救護使莊憲不得縱 下不取也昔莊憲臨朝陛下受制事體大弱而莊憲不 人之心陛下又縱私您不願公議取笑四方臣甚為陛

とこうなどはあ

尊設廢一婦人甚為小事然所損之體則極大也夫廢 掐佞之辭陛下何足取法陛下必欲廢后但可不納所 后謂之家事而不聽外臣者此唐姦臣許敬宗李世勣 不敬父母也今陛下舉一事而獲二過於天下廢無罪 畢 母父母許然後敢出之令陛下貴為天子莊憲山陵始 墳土未乾便以色欲之心廢點后氏而不告宗廟是 何必加責以重已過今匹庶之家或出妻亦須告父 也逐忠臣二也此二者皆非太平之世所行臣

一部 好四月 全書

春七十

等所陳脩古等追用而仲淹點棄陛下何所見前後之 異也況仲淹以忠直不挠莊憲時論冬仗事大正君臣 優與恩獎復處憲省脩古雖死厚加贈典如此者盖陛 遂敗此四人然心甚惜其去莊憲總往陛下立行名命 曹脩古等四人連名上章極諫莊憲大怒陛下不得已 ていうとしこう 之分陛下以此自握用之既居諫列或聞累曾宣諭使 下憐其忠便不避夫禍難爾令仲淹所諫又甚於侑古 **聖代名臣奏**儀

實痛惜之莊憲太后臨朝以劉從徳死思典太重臺諫

錫定四庫 全書 能幹之是易為也如仲淹者乃為臣之難能者也令幹 非朝廷之福今百執事所為皆一司一局雖常才者皆 雖日加宣諭諫臣以仲淹為戒必不信矣諫臣不諫大 而反及於禍是陛下誘而陷之不知自今後何以使臣 哲之主亦無以過此今仲淹聞過遂諫上副宣諭之意 為陛下論事而遠徙外郡臣恐百辟以此皆務為易者 小大之事以諫無得有隐是陛下欲聞過失雖古先聖| 一司一局者皆坐取遷陟立居顯要而仲淹不惜性命 卷七十四

諫官如不欲廢即循點者可點計直者可用請陛下急 后逐諫臣使此聽聲聞於四方知陛下不納諫臣朝政 臣祭講論安天下之計猶恐不及而乃自作弗靖廢嫡 觀此已有窺観之心陛下當兢兢惕惕宵衣旰食日與 圖之今天下凶飲盜賊如麻國用空虚人心惶擾姦雄 而不為難者也陛下一旦有難為之事不知何人為陛 こうう 循點者已居顯要而計直者尚居散地苟如是不若廢 下為之居諫官者務要計直乃號稱職依違者職職令 歴代名臣奏議

銀定四月 全書 朝 臣一念至此心寒骨顫此自然之兆固非臣之臆說也 急且追還仲淹復其諫職減二過之一無乎諫路不絕 望陛下審思之明察之廢后已行雖能悔過臣願陛下 志敢不盡陳之初聞非時召两府大臣議皇后入道 地容載家幸何深然理有所未伸情有所未達鬱悒之 殿中侍御史段少連等奏曰臣因義激心以職獲謹天 不舉則姦雄益喜以謂中外皆亂事勢相符必有變事 綱復振使姦雄不能窺陛下淺深此社稷之慶也

淹等恐治命一行難於追復是以群詣殿閣上疏而執 以為非陛下意盖執政大臣假天處以點道輔仲淹而 下無不惟竹一旦以諫官御史伏問逐行點責中外 政進就使臣等不獲面對止令就中書商量宰相雖知 例皆蒙罰伏以陛下親政以来進用直臣開闢言路天 其誤然猶責臣翻覆率易故道輔仲淹斥守外郡臣等 胡日又聞两府列狀乞降后為淨妃臣與孔道輔范仲

日之内都下喧然以為皇后母儀天下固無入道之理

次定四事在与

歷代名臣奏議

忍廢出皇后而两府列狀議降為妃諫官御史敢廢伏 罪崔元亮叩殿陛理宋申錫之冤當時稱之今陛下未 素為姦邪所忌以言事而點之恐姦邪得志而翱翔方 家復有大事誰敢旅進而言者況道輔仲淹端正敢言 得羣請殿門對且伏問上疏豈非故事令遽絕之則國 正望風而鼠伏矣昔唐陽城王仲舒伏問以雪陸贄之 斷来者之說也望數思其事使讒想不行忠邪有別則 天下幸甚又伏親戒諭自今有封章宜如故事家上母

瞽哉誠以秉愛君之心竊痛陛下履仁聖之具美之骨 莫不浸涵德澤而気複蔽翳偶差晦明以累聖徳者由 気侵蔽翳晦明偶差乃陰陽之診爾象天德者君之體 少連又奏曰臣間高明粹精凝德無累者天之道也然 大臣懷禄而不諫小臣畏罪而不言臣獨何人敢貢狂 也治陰陽者臣之職也陛下東一德臨萬方有生之類 亮乎幸裁赦之 問之事而默然乎陛下深惟道輔等所言為阿黨乎忠

こうえしい

驻代名臣奏議

降為妃而離宫廷矣臣與道輔等皆在言職以謂皇后 府大臣忽然晚出民間喧傳皇后被譴而入道矣又傳 膽披情素為陛下澄清気侵蔽翳之累易曰夫夫婦 妃之議出自臣下且妃后有罪出則告宗廟廢則為庶 母儀萬方非有大過而動搖則風教陵運況聞入道降 鯁之良輔因成不忍之忿又指不遠之復臣是以雅 肝 而家道正正家而天下定矣詩云刑于寡妻以御于家 岩然則君天下脩化本者必自內而刑外也昨者二

到定四库全書

為未可願速降明的復中宫位號以安民心翌日的 當降為妄矣比抗章請對不衆賜召豈非姦邪之人離 於聖躬故築脩高垣置在別館臣等備言中外之議以 議者乎且皇后以小過降為妃則臣下之婦有小過亦 之行始議入道終降為妃無云有上封者愿皇后不利 問陛下邪臣等赴中書時執政之臣備言皇后有妒忌 乃云中宫有過掖廷具知特示含容未行廢點置之别 人安有不示之於天下不告之於祖宗而除行臣下之 出

とこうえ こん

歷代名臣奏議

金分四月至書 館俾自省循供給之間一切如故臣未審點置別館為 選 且内外臣察以至戚里皆前覬儭之心或進女口以希 曠矣夫皇后動搖有大不可者二執政之臣獨不念之 敢為陛下言者臣所謂須複蔽翳以累聖德者盖臣職 有餘而輔臣倉卒以降點之議感於宸聽措紳循點無 后乎為妃乎詔書不言安所取信伏以陛下立后 綗 納或巧事寵愛以結內援則使陛下惑女色而亂 紀綱之亂變故以生社稷可得安乎易曰三人行則 吵. 紦 紀

漢武哉令皇后置在别館必恐懼修省且陛下仁恕之 **德施於天下而獨不加於中宫乎古人言曰一人向隅** 幸修厥德斯大不可者二也臣竊恐姦倭之人引漢武 示子孫況祖宗已来未曾有廢后之事詩云無念爾祖 為萬世法苟因掖廷争寵遂行廢后則何以書史策而 不足踵其行事而為人臣者當致君堯舜豈當致君如 **幽陳皇后故事以陷惑陛下且漢武驕奢徭佚之主固** 人一人行則得其友斯大不可者一也陛下舉事

とこうえ しこう

壁代名臣奏 獇

7

金分四月全書 景祐元年開封判官廳籍上奏曰臣前月十一日曾上 侍之如初天地以正陰陽以和人神共歡豈不美哉陛 满堂為之不樂今四方凶年民有愁嘆又聞中宮幽廢 封奏為內侍韓從禮等傳美人尚氏教旨令開封府放 **必見於他日宫開不正之亂未測於将来惟聖神愿馬** 下尚為邪臣所沮不行小臣之議臣恐高宗皇后之枉 何啻滿堂不樂乎願詔皇后歸宮復其位號杜絕非 卷七十四 間

免工匠單慶等六人本行差遣特蒙悉聽科斷韓從禮

等及教下諸司令後宫閣教旨並不得施行中外間之 教頃以中間有虧善道降處次妃之位仍從別館之居 思寵陰啓禍階靈耗金珠漸困國力通私謁以亂政縱 舤 てい アン・ハン・ハー 郭氏宜令於外宅居止更不入内美人尚氏令於洞真 秘書丞余靖上奏曰臣伏覩景祐元年八月十五日詔 外親而干法上損聖德次紊朝綱實天下幸甚 安之福也臣愚更願陛下使官掖之間上下有序不以 不惟快有以見陛下英斷實九廟無疆之休四海永 歷代名臣奏議

宗社欽奉慈肯備盡孝誠先太后登退方踰祥練陛下 官披戴永不入內美人楊氏於別宅安置者此盖皇帝 莊獻明肅皇太后預聞朝政託在母儀保佑聖躬安固 按春秋君舉必書以示後嗣固當謹重用存規法竊以 無以加之天下幸甚諂肯又云長秋之重陰教是宣碩 陛下廣示憂勤擴去聲色割情斷愛以從典禮雖克舜 厥位以難虚必惟賢而是擇将行聘納式助然當臣謹 雖行易月之制而心喪未除古者三年之喪自天子達

動定匹庫全書

巻七十四!

慶歷元年孫沔上奏曰臣間虞舜治家而納麓姬文制 圖婚也是皆孔子書之以為世法伏望陛下謹兹舉措 之公羊傅曰娶在三年之外此何議爾曰三年之内不 界望始議策立不宜頻有改易以駭四方乃陛下孝治 于庶人其禮一也所有納后之禮乞候先太后服紀閣 以示後代稍緩其期則臣繾綣之願也 天下之本也昔者魯文公居喪納幣以娶夫人春秋非 日然後審選世閥登進賢叔興理内教統領六宫火允 1 歷代名臣奏議 二十五

先聖懼呢情之為患而立法於将来者也恭以皇帝陛 家齊而國治國治而天下平王政之本基乎此矣是知 首魯史先經以紀元妃丘明直書為十二公之始易以 一 欽定四庫全書 寡而御邦周南歌關雎之德仲凡刑詩著為三百篇之 下仁深溥博明達照臨好善無厭從諫弗哪紹三朝之 風火出為家人之象言號令之行乎外由中正而明于 内非嚴風火之威則難以正于家矣禮云身脩而家齊 訓躬萬幾之憂勤肝食在念将二十年雖古之聖帝

熟龍開两犯官展盖所起幽微不勝思遇身貴則性悍 位德配至尊治陰教為天下母三妃九嬪世婦御安上 豈治內之道有所未至軟臣不欲迂闊引喻前古願以 福極則患生退屏繼跡踰僭如舊尚不建立嚴制竊恐 下分統無使偕差百世不易之論也伏自景祐以来 三 聞見五事而陳之若以言獲罪臣之職也伏以中宫正 明王致志行事無以過也令朝無專權之臣上無失道 之事然而陰陽未和災變未息法令不行恩威不著者

欠巴口車公前

歷代名臣奏議

千六

備故先朝之数侍史不過五百人俸給止于千二十貫 從飛盖敢景流車激霆各崇華衛分道争行衆目所觀 漸生属階昨見上元嘉節內庭出遊美人才人多不隨 設内職是先尚書侍御司記典言一百二十人則為大 **軟自於越仍乞選擇端嚴近上夫人一兩員立為宮師** 令脩備禮節戒約奢侈常隨皇后出入不得各排儀衛 此非所以示外而垂範者也臣乞今後貴品嬪御等並 佐内則所冀上下有别而中外不惑矣獨以宫政之

金分世屋石書

皆有紀律不甚奢盈今聞十倍增人已踰二三千十倍 宫中諸院宫人及私身養女都大數目呈取進止若非 添俸或至二十萬私身養女數復過之百司供億簿書 氣而省財廪之費也竊以內侍之職最為親近宣傳國 其便請給之數見在者宜節減其半此所以消幽曠之 遊幸之所宜令檢勘合用人量留外並放歸本家任從 命出納王言常行抑制尚或騰陵令遷秩不踰年賞賜 可知一歲之中所用何極非所以示節儉也臣乞取索

欠已の事人があっ

歷代名臣奏議

于之

荣臣欲乞御藥依舊只用二員御帯押班都知並乞選 金分正是台書 無虚日甲第連坊名園接畛玉吊盈於後房綠竹開於 進身之路亦一代之永制也竊以勾陳九重華盖萬乗 次改轉未有嗣者令養陰一子則上無人貴之人下有 擇謹重公嚴勤畏舊有心力者充三年一選官不許非 别院官尊禄厚職重員多若不立之儀式以恐亢於寵 垣直大紫庭儼雲龍非深嚴不為尊非禁戒不為備闌 入則抵罪誤至則伏誅使內言不出於圖外言不入於

得參雜出入仍令內東門司專切點檢其暗祗候非優 忽變臣欲乞應合入内及聽喚中人並用五十以上十 静迎合巧中率用斯道若不早辨以防微竊恐長姦而 響應如神皆由左右之人出入為地過臣頗邪能何動 **閫所以防未然而限中外也令上之起居言語聚無不** 人及公主院擔子官各放歸本營所有內道場乞令後 五以下者諸宫院子須限七十以上分定番次上下不 知惟箔宴遊外無不傳內降科封坦夷若道兒刑要賞

次已日奉公告 一

歷代名臣奏議

文

也乞差不干凝公幹有心力臣察置司将實元後来無 禁所掌外人何計而許得之竊恐前後妄用非此一吏 憑由司内東門劄子取諸庫犀玉金銀錢帛一歲僅三 其或出納不謹支費不即豈可容姦不詰其與今御寶 須歲終不會此天下之財天丁用之有司不得而吝也 斷絕此則整肅於宸庭足以輝光於史牒竊以王者所 可悉記昨聞胥吏偽取庫金三十两抵法況御寳是中 百餘萬貫但有入内之名不知所用之處此數既多不

金人正是石量

别設關防節減用度亦經久之利也此五事者實政教 **割子先下内侍省都知入内覆奏然後置簿抄上番換** 通然正牒下諸庫藏方得支官物不得直行取索或更 費用積久欺弊仍乞令後諸宮問凡有取索出到憑由 大數對簿帳及謝恩表状造作文歷并內藏庫亦自實 元後来內中支使金實錢吊都數逐件磨勘即見無涯 之本源昇平之基業也中宫正則内军之制行于六宫

御實憑由及內東門割子取左藏庫等金銀犀玉錢帛

大已日事 上日

愛浸深忍情難決非至聖至明不可免也伏望皇帝陛 勝威昵可消正甘言令色遜於志先意希音會其事仁 矣御寶不嚴財貨不計則盜許公取而無慮矣噫思能 陽之沴矣内侍不禁則威柄不一引薦以来邪佞之類 下以公道制私情大日月之輝發雷霆之斷柔媚不干 朋黨不結于外矣宮人不減則用度不給怒曠以感陰 而寵嬖不犯於上矣官禁嚴則中間之事絕於聚口而 于聪明爱倖盡決于道義則何患天下之不治哉書曰

金少正是有量

之慮履霜至于堅冰然火在於積薪非一朝一夕之故 措置得宜則有無窮之福此五事因循弗舉恐為不測 疾迫於膏盲壅為癰疽潰于頭目不可卒救也此五事 馬得剛非用天之剛健中正則於斷也難矣令是賊侵 威克厥愛允濟易曰揚于王庭剛決柔也傳曰根也然 也若大臣盡心諸将用命恐亦未為大患也夫手足之 疾侵於皮膚積為瘡痍發于指掌未有所損也心腹之 軼西鄙攻守臣未敢進一策 盖儒者不知兵不可預言

决定四車全等 · 歷代名臣奏張

法令撓於親恩賞及於濫豈不謂根葉於內而斤斧不 至於政教之綱紀未舉輔相之心德未同朋黨之邪正 惟盡愚誠不歷該於羣公不專攻於上德但愿切直速 未分著位之材愚未辨進賢難於起死去佞過於拔山 名俟聰明聽然其說異日為陛下言之也若素非博識 施者乎若聖人一愿及此則庶事自正其條例悉數之 百世之利萬方之幸此皆陛下家事非人臣所得及也 也惟斷之在不疑行之恐不及動無失機間不容疑則 やし

金罗口人 人門里

暗亦合防微伏恐姦細乗時駭機竊發人之所忽事不 窺覘僕御喧譁禁士縱欲嚴呵宮人難於檢察誠為隐 蓋出入朝暮往還非全痛减之情頗涉朋遊之便逍遇 矣伏望乙夜之餘再賜詳覽幸甚 月初三日方行攅殯諸宮真酹慰禮已畢今見大內車 怨貴權不能保身胎憂老母至於事君之心則無所愧 可知伏諒陛下以苦切在中周思未及臣叨司視聽須 **沔又奏曰臣伏見芳林園南宅見安故豫王靈輿至三**

欠正の手とこう

歷代名臣奏議

主

生於左藏庫取綾羅八千匹杂院工匠當此大雪苦寒 至達聞欲乞指揮故豫王本宫人在彼祗候朝夕祭奠 勤勞愛民憂國似此勞人枉費之事必不肯為然外議 二年知諫院歐陽脩上疏曰臣近風間禁中因皇女降 餘並止節勿令報出深為利便 相傳皆云見今染練未絕臣又見近日内降美人張氏 之際敲冰取水染練供應頗甚艱辛臣伏思陛下恭儉 親戚恩澤太頻臣忝為諫官每聞小有污損聖徳之事

金分四月至書

與楊尚等不同故能保寵最人今日一旦宫中取索頓 事言之陛下近年所龍尚氏楊氏余氏苗氏之類當其 恩澤則皆速致禍敗臣不敢遠引古事只以令宫禁近 謹儉柔善不求思澤則可長保君思或恣意驕奢多求 須合力言難避天譴臣竊見自古帝王所寵嬪御若能 多恩澤日廣漸為奢侈之事以招外人之言臣不知陛 間張氏本良家子昨自備媛退為美人中外皆聞以謂 被寵之時驕奢自恣不早裁損及至滿盈今皆何在況

とこうられたら

歷代名臣奏談

洼

金定四月全書 月 罷 慶封拜又聞别有內降應是疎遠親戚盡求恩澤父母 獨 至於中外機議則陛下自受以此而言廣散何益昨 下欲爱惜保全張氏或欲縱恣而敗之若欲保全則須 因子而貴可矣然名分亦不可太過其他珠速皆可減 用不過支散與聚人而己乃是枉費財物盡與聚 臣謂張氏未入宫之前疎遠親戚名皆何在今日富 令謙偷不至驕盈臣料八千匹綾羅光非張氏 日曹氏封縣君至初五日又封郡君四五日間两 Ł. +: ĭE

令具門閥次第委宗正寺官審覆須的是衣冠之後非 授官人李級男與故申王宫承俊為親将就婚卷中外 皇祐三年知諫院包拯上奏曰臣竊聞舊開罄鋪進納 傳聞莫不駭愕檢會御史臺編敕節文應皇属議親並 力言伏望聖慈防微杜漸早為裁損 多宫中用度奢侈皆是污損聖德之事繫於國體臣合 氏計亦宜如此況此事不獨為張氏大凡後宫思澤太 貴何以廣為間人自招誇議以累聖徳若陛下只為張

次定四重全島

胜代名臣奏議

圭

鄙公族使天支之貴下偶非類泊紊異制虧損朝美臣 餘軒裳所絕曏緣進納已濫寵恩豈可更冒瀆國婚塵 制竊以仇合之序貴於匹敵氏族之選属在名宿盖禮 關冗庸贱之伍富商大賈之門差沙不實會赦不原其 金罗巴尼 請罷其婚姻別求德閥仍乞申命有司令後國親並須 教之重所宜謹嚴人地之華必資參擇按李綬關冗之 罪仍仰抨彈之官常加来聽許為親其李綬男正與條 依敕選定 A. Halle 次定四車合馬 多出之此盛德事也然而事有繁風化治亂之大而未 常人之所難惟聰明睿哲之主然後能之近以官人數 不過二三百人居五品之列者無幾若使諸問皆遷則 選拜者甚多周董之選可矣女御何名而選乎才人品 公主御寶白制並為才人不自中書出語而掖廷親親 經留意者臣敢為陛下言之竊聞諸問女御以周董育 四年知諫院范師道上奏曰臣聞禮以制情義以奪受 秩既高古有定員唐制止七人而已祖宗朝宫開給侍 歷代名臣奏議 三

盛時之事耶恐斜封墨教復見於今日矣 漬慢之心生恩澤不節則無厭之怨起御之不可不以 其道也且用度太煩須索太廣一才人之俸月直中户 不復更有負數矣外人不能詳知止謂陛下於龍幸大 家而天下定故帝嚳之立四妃虞舜之嬪二女逢山配 張方平上論曰臣聞禮始乎大婚詩首於關雎易曰正 百家之賦歲時賜予不在馬沉語命之出不自有司豈一 過恩澤不節爾夫婦人女子與小人之性同寵幸過則

金人口上

白雪里

孝成即祚委政王氏皇緒中微正統三絕外家昌大執 侯天下不知有王也及漢吕氏因恵帝之早世乗問挺 禹簡城啓商周自古公王季姜任太姒世德相載故文 王刑于寡妻以御于家邦夫三代之制后妃媚御皆所 起干據帝座陰陽錯位根幹倒植末塗淪潰幾遷運歷 始攝朝事以弟魏冉當國任政故范睢以為秦獨有穰 以助釐陰教賛成內治間外之事非所預聞自秦羊后

とこうほんこう

權四世而東朝壽考為之宗主至于新幹遂盗神器速

歷代名臣奏議

手

牽 禮間外朝莫不衡柄歸於父兄詔令專於閣寺於是有 乎東京孝安之後外立者四帝臨朝者六后地深帷幄 綫春秋之義君子大居正雖嗣王繼思幼冲續服而猶 利幼之立忌賢之難那謀陰策以圖自固匪人乗問 商周公勤勞乎王家其人也故三代之道無后妃預政 朝政總聽乎冢宰師傅保义乎上躬則阿衡專美於有 有漸近如唐時太帝孝和武幸之亂廟社危絕僅續如 牛而蹊田正士悼心思投鼠而忌器害家山國濫觴

銀片四月全書

卷七十四

大户日本公野 誓其事可法夫六宫之位楷諸昏義則有三夫人九嬪 無則關之矣自姬室聚陵諸侯僭縱秦併六國選其後 職存而數闕盖明君子不茍於色有婦德則擇以充位 哉魏文帝鑒東京之覆轍立後世之長緒亦曾作為成 機識起速深謀獨斷顧命金霍克隆基圖誠雄傑英主 以定大計故孝文之入繼抑由薄氏仁良之故及武帝 之理漢自諸吕之亂大臣議所立而先擇外家之賢者 二十七世婦八十一女御之数其在周禮則世婦女御 歷代名臣奏議

皆恃當世之平寧因天下之全盛罔思生民作業之勞 官恣用法心益崇爵號漢自文景務循儉德爽世界感 金少世月八三十 謬滥名禍當日垂鑒後人良可夷也是故考歷代治亂 度姦微獨乎事權帑藏以孫費而耗盡賞刑以私昵而 不念四方惟正之供沈滔留連漸至露弊女謁干乎主 用長唐景龍之孽天實之敗是皆始於女德也夫其初 而至武元選納益廣嬖幸用煩至乃掖庭三千增級十 四是以人君耽娱佚之樂起驕怠之惑倦勤廢政亂是 賤之妖色斤猥微之淫行 似進婉順之德崇近清閒之 閨閣之治則莫若登選良姓之種採納衣冠之緒屏里 偽之交示之以恭讓儉德之賞而懲其慢游僭汰之好 之學而使循禮傅之以儒雅寫行之士而絕其便解除 失政之方保全外戚之道則莫若賦之禄而使就第教 於漢武韋不遗育於唐是可戒矣若夫體乾坤之法正 以義節之是謂寵之以思驕之是謂禍之梁實無噍類 之迹覽形史得失之論擇善違失可舉而言若夫戒慎

たこう とこう

歷代名臣奏議

莫若省其品號罷虚授之原禄放其游冗節徒費之羞 未便祖宗以来公主長主未有行此禮者昔漢明帝封 公主特進死國公主制竊聞議行册禮然於事體頗有 六年翰林學士胡宿上奏曰臣今月二十一日草福康 服裁用度以寬民力息曠怨以除冷氣是故治世賢王 王百斯之善慶若夫保邦求理之法節用安人之善則 之脩身正家愛民經國之道莫先於此也已謹論 雨露均施照臨無頗以資昊天悠久之無疆以取文

銀牙四月

生量

卷,

皇子悉半諸國明德馬皇后曰諸子食數縣不已儉乎一 帝曰我子豈敢與先帝子等也唐貞觀中太宗長樂公 是有所尊崇或可情有淺深無容禮相踰越太宗然其 曾進封楚國魏國二大長公主亦不曾行册禮令施於 引漢明帝之言為對且曰天子姊妹稱長公主加長字 主將出降帝令有司資送倍於永樂公主魏徵曰不可 究國公主是與大長公主相踰越無以貴主之故賢 妃 言入告長孫皇后后遣使賜徵金吊陛下即位以来累

大己9年 AIA 展代名臣奏議

亦家殊典有首今進綸告不行册禮是母子之間一 **究國公主宅內臣二人復還本宅臣與楊畋龔鼎臣同** 臣職在論思不敢緘默 且無嫌如其不曾則宜且罷臣以陛下好忠諫納至言 陛下偏於近情虧聖德之美臣願陛下采漢明之言開 知諫院司馬光上奏曰右臣近聞有聖古令召前管句 文皇之聽遵祖宗舊典如國朝公主曾行此禮行之粗 一不行禮意尤不相稱書於史册後世将有譏議次謂 Andre Line

意非法邀求當少加裁抑不可盡從然後慈愛之道於 長年之人使侍左右朝夕教諭納諸善道其有恃恩任 道路藉籍口語可畏始非所以成公主肅雍之美彰陛 赦斥之外方中外之人議論方息今僅數月復令召還 弗納於邪公主生於深宫年齒幼穉不更傳姆之嚴未 斯盡矣此二人嚮在主第罪惡山積當伏重誅陛下寬 有論列以為非宜未紫允納臣聞父之愛子教以義方 知失得之理臣謂陛下宜導之以德約之以禮擇淑慎

とこうち とこう

歷代名臣奏議

干儿

細故也 愚忠追止前命無使四方指目以為過舉虧損盛德非 七年光又奏曰臣先曾上言為前管句究國公主宅内 金分四月 全書 臣等過惡至大乞不召還近聞傳宣入内内侍省令押 坦報盡言諫正王及左右皆患之左右教王詐疾踰月 駭異臣聞太宗皇帝時姚坦為死王宫 羽善王有過失 上件内臣梁懷吉赴公主宅依舊句當外議諠譁無不 下義方之訓也臣實憤悒為陛下惜之伏望聖慈察臣 巻七十四

訶適所以害之也齊國獻穆大長公主太宗皇帝之子 子也誠以愛之則莫若納之於善若縱其所欲不思譴 **欝欝成疾耳太宗怒曰朕選端士為王僚屬固欲導王** 為善今既不能納用規諫而又詐疾欲使朕逐去正人 不朝太宗甚憂之召王乳母入宫問王起居狀乳母曰 耳命捽至後園杖之數十召坦慰勉之太宗非不爱其 以求自便其可得乎且王年少不知出此皆汝華教之 王本無疾但以翊善姚坦檢束太嚴王舉動不得自由

次定四車在馬

歷代名臣奏議

献榜公主豈不自知其身之貴哉誠以貴而不驕然後 真宗皇帝之妹陛下之姑於天下可謂貴矣然獻穆公 風化流於四方聲譽施於後世今陛下曲徇公主之意 太宗皇帝為法公主事夫以禮宜以獻穆公主為法則 能保其福禄全其令名故也臣謂陛下教子以義宜以 大無好忌之行至今天下稱婦德者以獻穆公主為首 主仁孝燕恭有如寒族奉李氏宗親備盡婦道愛重其 不復裁以禮法使之無所畏憚陷入於惡觸情任性以

A Tarter

卷七

欠己日華白香 可得而私庶幾有所戒懼率獨善道可以永保福禄不 天下之公器若屢遠部命不遵規矩雖天子之子亦不 逐之别擇柔和謹愿者以補其缺仍戒較公主以法者 懷吉等者皆教導公主為不善之人也悉宜治其罪而 歸前來貶竄之處其公主左右之人欲使陛下召還深 道尚嚴不可專用恩治也伏望陛下斥逐深懷去等復 世之則易曰家人鳴鳴悔属去婦子嘻嘻終客此言家 邀君父僧賤其夫不執婦道将何以形四方之風垂来 歷代名臣奏議

事應先帝後宫非御幸有子及位號稍貴并職掌文書 戚所以遂物情重人世省浮費逐嫌疑也竊惟先帝恭 金罗巴匠 未忍散遣令山陵祔廟大禮俱畢臣愚謂宜舉前代故 英宗即位初侍御史司馬光乞放宫人劄子曰臣伏見 日人歲增月積掖庭之間冗食頗聚陛下以哀恤之初 儉寡欲清約執禮後官侍左右承寵渥者至少而饗國 前代帝王升遐之後後宫下陳者皆放之出宫還其親 失善名不然聚人所云甚可畏也 1. Frank 欠已口巨人子方 一 勒牙人使之雇買前後相繼無時暫絕致有軍營井市 舊制內中下陳之人競置私身等級愛多無復限極監 祖宗之時猶有公卿大夫之女在官掖者其始入官皆 光又奏曰臣聞王化之與始於閨門故易基乾坤詩首 之人其餘皆給與粒盒放遣出外各令歸其親戚或使 須年十二三以下醫工診視防禁甚嚴近歲以来頗隳 任便適人書之史册亦聖朝一美事也 雎前世皆擇良家子以充後宫位號等級各有員數 歷代名臣奏議 四十二

官傳之子孫為萬世法此誠治亂之本禍福之原不可 嫱之官皆闕而未備臣謂宜當此之時定立制度依約 虚其負數既足之後不可更增凡初入宫皆須幼年未 古禮使後宫之人共為幾等等有幾人若未足之時且 便臣當念此不勝憤悅今陛下即位之初百度惟新媚 適人者若求乳母亦須選擇良家性行和謹者方得入 以為細事而忽之 下俚婦女雜處其間不可辨識此等置之宫掖豈得為

金叉世屋有量

巻七十四

愛惻怛之誠以加之也故詩云愷悌君子民之父母夫 光又上皇太后疏曰臣聞聖人之德使四海之外編户 子但患愛養不至耳后於是盡心撫育勞粹過於所生 之民皆輻湊而歸之如孝子之奉父母其故何哉推仁 及明帝崩太子即位是為章帝章帝亦孝性淳篤思性 况閨門之内血氣之親乎昔漢明德馬皇后無子明帝 四海至遠也編户至微也誠之至也猶可以為之父母 使養賈貴人之子炟以為太子且謂之曰人不必自生

とこうう とよう

歴代名臣奏議

四十三

恭惟仁宗皇帝憂繼嗣之不立念宗廟之至重以皇帝 石未效竊聞鄰日疾勢稍增舉措言語不能自擇左右 **遞嬰疾疹雖殿下撫視之慈無所不至然醫工不精樂** 仁孝聰明選擢於宗室之中使承大統不幸踐祚數日 天至母子慈愛始終無纖芥之間前史載之以為美談 海皇帝久疾未平天下之勢危於累卯惟恃两宫和睦 做相責望羣心憂駭不寒而慄方令仁宗皇帝新棄四 之人一一上聞致殿下以此之故不能堪忍两宫之間

剑穴四焊全書

1

孝謹温仁動由禮法況殿下所親見而明知也尚非疾 念包容其過失那况皇帝在藩邸之時以至践祚之初 **壻自童幼之歲殿下鞠育於宫中天下至親何以過此** 又仁宗立以為皇子殿下豈可不以仁宗之故特加愛 焦心順涕側足累息寧前死而盡言不敢幸生而塞嘿 故使有綠毫之隙以為宗廟社稷之憂哉臣是用日夜 也伏以皇帝内則仁宗同堂兄之子外則殿下之外甥

以自安如天覆而地載也豈可效常人之家争語言細

大已日年人的!

歷代名臣奏議

察其進退有效則加之以重賞無效則威之以嚴刑未 愈之間但宜深戒左右謹於侍衛其舉措語言有不合 愚見莫若精擇醫工一二人以治皇帝之疾旬月之 明睿智天下之理無所不通豈可責有疾之人以無疾 識親跌不擇貴賤此乃有疾者之常不足怕也段下聰 其有疾則精爽迷亂冥然無知言語動作不自省記不 疹亂其本性安得有此過失哉夫心者神明之主也若 之禮邪今殿下雖日夕憂勞徒自困苦終何所益以臣

金少世屋

||治平元年光又上皇太后疏曰去歳仁宗皇帝拘棄萬 清明復初其所以報答盛德豈云細哉臣之愚慮苦言 常度者皆不得以聞底幾不增殿下之憂情殿下惟寬 盡此而已乞殿下更賜裁擇臣昧死再拜上疏 知非革心為善況皇帝至孝之性禀之於天一旦疾愈 母有不孝之子猶能以至誠惻隱撫存愛養使之內愧 聖躬痊復然後舉治平之業以授之不亦美乎古之慈 釋聖慮和神養氣以安靖國家綱紀海内俟天地垂祐

欠己日年入上的

歴代名臣奏議

四五

言不遜若幼者孝恭而不怨長者慈恵而不責則上下 草居長者或思意不備衣食不豐幼者或容貌不恭語 政以安群情令聖體復初四方無事殿下推而不居自 之道貴贱雖殊人情一也曾觀天下士民之家其長幼 自量度欲成殿下之全美猶以醬燭之微明仰裡日月 方皇帝嗣統之初憂哀成疾殿下念社稷之重同聽庶 之盛光伏惟殿下稍寬其罪而終聽其辭臣竊以治家 取安逸動静之節無不合宜率土臣民孰不稱頌臣不

多牙巴尼 有電

等親當歡然以慈愛之心接之若其有過則當以忠厚 雍睦家道以與若幼者以為您長者以為責則上下乖離 而終身惡之遂不可解謝也故骨內之間有威怒而無 也及其既改則又當復以歡心接之不可以一件顏色 之心教之教之備矣而猶不聽則雖責之可也罪之可 所不至者矣凡閨門之内子婦有以孝恭之心至者則 競人間之於是乎有父子相疑兄弟相疾亂虐並與無 家道以衰其始相失也甚微而終為禍也甚大又加以

大三り下 いふう

Ų

歷代名臣奏議

四十八

誠有可疑得罪於殿下者臣固己當言於殿下云不可 僧疾有語責而無猜忌此自古聖人所以御其親之道 責有疾之人以無疾之禮也凡醉而有過醒猶可赦況 偶以纖芥之失遂蓄从長之怒棄生成之厚恩取錄絕 下固宜撫存愛念情同所生周旋保護以終大恵不可 日為萬民父母享天下富貴孰云非殿下之力臣謂殿 之深然愚智所同知也皇帝去歲得疾之時禮貌言解 也臣竊惟皇帝皇后於殿下無内外之親幼家保育今 巻七十四

金好四月全書

罪谷耶皇后自童孺之歲朝養游戲於殿下之懷分甘 有疾之人不自省知本非意之所欲為豈可追數以為 哺果拊循煦嫗有恩無威令既正位中宫得復奉膳盖 誰曰不可但事過之後殿下若遂棄之不復收恤憎疾 盥帨以事殿下其意恃昔日之爱不自疎外循以童孺 不能盡如家人婦姑之禮殿下雖怒之責之固其宜也 之心望於殿下故或有所求須不時滿意則愠懟您望 如仇讎則臣以為過矣臣在闕門之外無由知禁庭之

大户日早 ALS

歷代名臣奏議

金分正是 台書 事般下恭勤之禮甚加於往時而殿下遇之太嚴接之 事竊聞道路之言未詳虚實皆言近日皇帝與皇后奉 過數句須史之間已復遣去如此母子之恩如何得達 過先帝以至公大義選賢建嗣海内之人皆謂繼統之 治于中外皇帝龍潜藩邸進德脩業仁聖之望光于遠 盖以此也臣竊惟殿下母儀天下踰三十年柔明之譽 太簡或時進見殿下雖賜之坐如待疎容語言相接不 姑之禮如何得施所以使之疑惑恐懼不敢自親者

健之性屈於眾口無以自伸能不憤悒遂使兩宮之間 是以日夜關規拾掇絲毫之失無不納於殿下之耳般 所不容三則欲竊弄權柄惡長君聰明使已不得自恣 邪之人造飾語言互相間構一則欲詐效小忠以結殿 下雖至聰哲不能無疑雖至仁慈不能無怒皇帝以剛 異論推其本原盖由皇帝遇疾之際宮省之内必有讒 下之知侥求禄利二則自知過失素多畏嗣君之嚴有 日慈孝之風火自家刑國誠不意問巷之民怨有今兹

たしりしいまう

歷代名臣奏議

金河口屋 皇帝以涕泣拜伏感激推謝然後两宮之歡一皆如舊 来紛紛皆此属所為自今以後母子之間當坦然無疑 然竊料幾那之人心如沸湯愈不自安力謀離問彼皆 遠覽舉天下之政歸之皇帝此乃宗廟之靈生民之福 察其情勿復聽納斥遠其人勿置左右召諭皇帝以嚮 其是非者深可惜也今天誘其衷殿下濟發慈古卓然 自營一身之私非為國家與殿下之計也臣願殿下深 介然相失人而不解流聞于外致朝野之士有敢竊議 白ま 恩禮之際終不能豁然田心息怒其故何哉方令官闡 壽無疆國家又安內外無患名譽光美垂於無窮與其 亂横生識謗之言流於後世二者得失相去逐矣且殿 信任讒慝猜防百端終日戚戚憂憤生疾國家不寧禍 往無時勿加限絕或置酒語笑與之欣欣相待一如家 凡皇帝皇后進見之際殿下宜賜以温顏留之從容来 人之禮如此則殿下坐享孝養何樂如之心平氣和眉 下既能以祖宗之業付皇帝又能以大政授之而獨於

欠この日人はあ

歷代名臣奏議

罕九

而 金分四月石量 惜之臣父子皆家先帝大思擢於常調之中置之侍從 於受四海之養今殿下有此富貴而不能自樂親其所 其死力終始無貳乎夫貴莫貴於為天子之母富莫富 不可結以恩信猜而遠之則跳者獨肯受殿下顧遇盡 主數人而已其餘皆行路之人於殿下何有若親者尚 之中殿下骨肉至親止於皇帝皇后長公主及皇子 可珠珠其所可親使受恩之子婦彷徨而不自安取踏 不敢進雖內懷反哺之心而無以施展臣竊為殿下

神幸察臣光昧死再拜上疏 之列心非木石豈能暫忘今先帝晏駕之後臣唯不避 次已日年 Am 侍御史傅堯命上奏曰臣聞志於大者必遺其細善乎 臣所以為報効也不勝區區激切之誠展布以間惟留 死亡以進忠直之言庶幾殿下母子和悅國家安寧是 儀萬方世謂雖明德長孫不可瞻望盛烈可謂善其始 全始終之分故能成高世之德恭惟殿下佐佑先帝母 始者當圖其終夫惟識小大之當迺不感於眾人之論 歷代名臣奏議 五十

他具矣定策安宗廟為國家建不拔之基而収之以静 矣當先帝晚歲國本未定殿下竭誠賛明援皇帝於藩 退成就其盛德以取髙於萬世者大業也捨此皆瑣末 撫鎮夷夏有泰山之安岩少留意以圖其全則萬世之 再降詔書權同機務內則調護聖神有勿樂之喜外則 施行遂還政事無處清禁從容以就天下之養身受無 細 微固可以脫然遺之矣伏望以四月九日元降指 以繼大統是挈四海而手維之其功力可勝道哉及

金分世月白書

前之罷名家享不肯之盛福全具衆美機一言之易耳 所以慰懇為言者顧今朝廷之體非便而無益於段下 德而釋厚疑也如前世善惡是非殿下宜講磨已熟臣 能知殿下之深者安得無惠惟殿下積行累功於數十 且愿左右之人不深惟大體務為姑息之愛因循寖久 何所及哉不審殿下何憚於此而憚一言之易以全大 年間其勤已甚價始終之際微有不全他日雖復痛惜 況始諭外廷侯皇帝康復日今天體清豫漸親萬幾不

次定四車全等

歴代名臣奏議

命今追崇為皇始未不同天下将何取信況皇太后自 甚 皇太后曾降手書切責政府因此權罷今皇太后復降 濮王之事始因中書不正之謀陛下撫慎未行之問聞 尊濮王為皇夫人為后陛下已降敕命施行竊以追崇 金罗口卢人叫 三年般中侍御史范紀仁奏曰臣伏聞皇太后手書追 釋疑似不可不察伏惟亮臣悃悒斷之於心則天下幸 将累盛德臣輩不言實負殿下至於佞者騰造異端解 卷 Ł † פו

之養而已豈須更煩房闥之命恭秦國章一開其端流 幾之務當出宸斷内奉慈闡惟宜竭仁孝之誠盡四海 事則必假母后之詔以行其志往往出於逼幹而天下 之心卒知事由權臣令陛下以長君臨御于兹四年萬 泰漢已後毋后方預幼主之政自此權臣欲為非常之 之源耳且三代已来未曾有好后的令施於朝廷者自 所建置盖是政府臣僚尚欲遂非掩過不思朝廷禍亂 撒無之後深居九重未曾預聞外政豈當復降部令有

次定四華在書

歷代名臣奏議

尚真一悟明主之聽以安宗社臣雖萬死亦復何恨 自可米擇公議而行何必用母后之命施於長君之朝 弊極大異日或為權臣矯託之地甚非人主自安之計 金グモルスニュ 四年知諫院楊繪上奏曰臣竊聞內人景氏者曾在仁 也臣方待罪於家日俟誅竄而區區之誠不能自己者 竊以文武之政治於衽席家人之道脩於近小而況 也伏望陛下深察臣言追寢前詔凡繋濮王典禮陛下 朝為御侍後出嫁許宗賢近已聽離却名入內者臣

たこうしこう 得自於其國網取容色若捕漁然所以推遠女德為民 至諸臣之家為顏王擇妃審如此者臣竊以為非便臣 日諸侯不下漁色故君子遠色以為民紀此言諸侯不 聞夫婦者居室之大倫将以正家則承宗事以繼萬世 治平間右無子韓維上言曰臣累日以来傳聞禁中汎 經從良豈可復塵於禁掖哉伏乞放之於外以清物 之紀法也伏以皇子顏王孝友聰明動履法度方嚮經 之嗣故禮之用惟婚姻為兢兢兢稅者慎之至也坊記 歷代名臣奏議 五十三

金分四月在書 世属俗反之雅正且無以示題王使知室家之道在德 陛下始初清明為元子求婦而事出尚簡殆非所以矯 眾賢士大夫未嘗不發憤嘆息竊幸國家有以振之今 學以觀成德令上族授室其繁尤重臣愚以為宜歷選 之法自朝廷以及民庶蕩然無制故風俗陵靡犯禮者 之不宜尚取華色而已近世簡棄禮教不以為務婚娶 而不在色也傳稱尤物足以移人詩咏淑女幾以配 勲望之家慎擇淑哲之媛考古納采問名之義以禮成 Ł w

此誠智士仁人見微知終遠覽禍福之原為後世戒也 火足四年 全野 陛下不可不加聖意馬臣獲侍宸陛且官王府的益萬 不敢不言干冒天威臣無任惶懼激切之至 歷代名臣奏議 サロ

	歴代名臣奏議卷七十四	V
--	------------	---

欽定四庫全書

歷代名臣奏議卷七十四

總校官編修臣王燕緒 校對官庶主臣毛鳳儀 磨録監生臣曹方昇

詳校官檢討臣朱依吳

編修臣表議覆勘

といり事とき 思代聖明之君臨御四海之 情必遇至誠之心以意 有弊必去聞善必行然 宗熙寧元年殿中 思代名臣奏議 初必有甚美之事以順 ◆裏行錢崩上奏曰臣 伏 楊士奇等 人異數見豈聖 撰

和氣臣伏乞陛下特較宸衷清然下語法祖宗開實祥符 因弊生靈者也今不早為裁節日引月長將如之何伏 侍御史知雜事劉述上奏曰臣竊以方令之患在乎官 以感天意下足以順人情哲王懿範莫過於此也 两朝之問見在官人尚多幽閉掖庭豈無怨隔之思以汨 化有所不洽者耶臣竊伏思其一端臣恭聞仁宗及英廟 之制量數放出務今後便無曠怨之苦有遂性之樂上足 冗官冗由乎入流之泉所以賢不肖混淆耗蠹帑廪而

金分匹人自言

後欲乞私於見任文武官僚中元非進納出身者選擇 序與兩使職官判官簿尉齊郎監簿之類與初等職官 考以上於銓格不妨磨勘者與轉京官州縣官令録資 為親內京朝官武臣與不隔磨勘特轉一官幕職官三 參以士人漸復唐制亦救弊之一端也以臣思管見今 紊亂國經塵穢天属莫斯為甚近制亦許就文資思澤 人但富於財者往往認他人三代有官職者冒為婚姻 正乙分至長義

見皇族郡縣主出嫁其夫益白身授殿直內有問間之

愚者無知因其民言造為端意謂陛下春秋富盛祥禪 南新錢監許買真珠上京傳說將備宫中十問用度盖 智以天下為心必不留神於此爾然重思之天下有道 既除將通聲色漸求服逸此其惑也臣有以知聰明春 三年右諫議大夫御史中丞吕誨上奏曰臣竊聞去年 下京東買黃金數萬兩本路科率太暴民頗怨之又廣

欽定四庫全書

D.

該說不盡者乞從朝廷比類相度指揮所真稍塞濫源

本防其漸作法於儉其敝 猶奢今日之為實繫聖慮而 具之外仍置官管幹增長事勢動有踰僭且禮之所設 舊制真作無益害有盆也何則既名問分則異嬪御供 臣聞宫禁職位自有班序十問創置非古儀也或云仁 因不可不卸也臣職在言責敢不為陛下一一而陳之 庶人不議明盛之朝不當使民如是而議似亦啓之有 こうこととう 廟晚年欲廣繼嗣諛言闚問遂成其事英宗践祚因循 況陛下尊奉兩官與仁宗事體不同且虞俸進之臣 漸 歷代名臣奏議

多好四月全書 忠彦為尚書左丞繼又以其弟嘉彦尚主物議籍籍以 哲宗元祐問御史中丞傅竟俞上奏曰臣伏見近除韓 世之休光區區之誠所願至矣 動之間使人窺伺莫及豈止成一時之盛美將見垂萬 陳無益之計臣愚欲乞陛下沈機處始臨事制宜俯罪 之名相建言舊制尉馬都尉與要官禁不往来開元中 為未當臣不敏不敢臆度其是非臣竊謂李德裕實唐 三年之喪首罷十間之制德音遂發人心自悅别復舉

次足四東公馬 陛下之罪不容誅矣 碩陛下深思之陛下用臣輩為聰明臣尚知而不言負 且書於史冊云始於陛下使後世指為機議顧不惜哉 政事未有過舉而首開此塗異日援以為比其弊将深 况君舉必書而書事必謹其始陛下自臨御以来勵精 第當時防禁如此今乃萃於一門議者之言良可取也 漏禁密交通中外耳請白事宰相者聽至中書無報詩 河督尤切今乃公至宰相及大臣私第是等無他直洩 歷代名臣奏談

是庶出過房事須評議樞家直學士王嚴叟進曰按禮 中書舎人彭汝礪奏曰臣竊以古者能治其國非獨修 於始太皇太后以是語指宗者再 后事其正家須在皇帝聖人言正家而天下定當慎之 后口帝得賢后有內助功不是小事嚴叟對曰內助 **伞者狄氏將何辭以進議遂寢拾宗選后既定太皇太** 經問名篇女家答曰臣女夫婦所生及外氏官諱不識 哲宗方選后太皇太后曰今得狄諮女年命似便然為 とこつ きょう 繭織紅組糾學女事以供衣服觀於祭祀納酒漿遵豆 有漸矣禮女子十年不出姆教婉娩聽從執麻怠治絲 教之自寒而暑非一日之積也則教之所以成物亦必 之女子此可謂甚難然則擇可不慎乎擇之必知所以 我此可謂甚重以天下之責以聖人之事望於一未許 治亂宗廟社稷之禍福子孫之賢不肖是係豈特其身 性然也教亦有素馬后妃人君之配也天下國家安危 諸已者備內亦有助馬后妃夫人能輔佐君子非獨天 歴代名臣奏議

定后妃之位以正天下之本以對天之丕顯休命立師 事母道非其教之素曷能與於此周南之治盛矣其志 化天下以婦道也古之人其教之也素故其成也至詩 · 直臨禮相助剪詩曰后妃在父母家則志在於女工之 有所在臣以謂皇帝陛下春秋富宜蚤擇淑徳之女以 為卷耳其效為桃天其化為兔星為漢廣觀原反本固 事恭儉節用服澣濯之衣尊敬師傅則可以歸安父母 誰其尸之有齊季女祭祀婦事齊母道自其幼時婦

金分四月全書

配立而後言固則人主所以待內助如此也然則擇之 家何有詩曰天監在下有命既集文王初載天作之合 文王嘉止大邦有子天立厥配受命既固周既受命至 謂善矣以陛下之神明博大得賢妃之助其治天下國 享皆其所曾安之者也凡所惡皆其所戒馬者也此可 傳保姆擇姬機嚴官室車服制環珮之節陳圖史之成 得致其前及其歸也凡所欲皆其所害聞之者也凡所 非正之聲音顏色使不得亂其視聽非正之玩好使不

文E日奉と言

1

歷代名臣奏議

言其稱辭小稽其事則甚大其事若緩察其微則甚切 一世之始福祚所繫風化所先自古聖王重之今陛下宜 與禮部太常寺官同共詳議臣竊伏思此國家大事萬 詔肯皇帝納后六禮令翰林學士御史中丞两省給舍 五年給事中范祖禹論立后上太皇太后疏曰臣伏奉 惟太皇太后陛下留意母忽 宣可不慎教之豈可不早夫教之非豫也使得其人幸 而已矣幸非可以為法也尚非其人禍莫甚馬凡臣之

金月でんる言

一大きりゅうころう 皆有天下五帝三王皆黄帝之後也高辛娶陳鋒氏之 帝娶於西陵之女是為嫘祖嫘祖為黃帝正妃其子孫 先知者有四不可不慎也臣謹稽之上古參之後世為 女是生帝堯虞舜娶帝堯之二女釐降於為沟遂有天 大國諸侯先聖王之後熟賢之裔不然則甥舅之國也 陛下悉數而詳言之一曰族姓二曰女德三曰隆禮四一 曰博議所謂族姓者臣聞古之帝王所與為婚姻者必 不以微賤上敵至尊故其福祚盛大子孫蕃昌昔者黃 歷代名臣奏議

威也太姜炎帝之後也太任太昊之後也太奴大禹之 迎于渭造舟為梁不顯其光自古昏禮未有如文王之 賢女為之配也又曰大邦有子倪天之妹文定厥祥親 歌之曰文王初載天作之合言文王之初有識天已生 季王季娶太任是生文王文王娶太如其禮尤威大雅 七十餘年成湯娶于有華氏子孫有天下六百餘年周 之先祖后稷生於姜嫄世有賢妃太王娶太姜是生王 金牙巴尼住書 下大禹娶于塗山是生夏於天下歸之子孫享國四百

武王亦娶于姜是生成王周有天下三十餘世八百餘 年其基本盖由此也故族姓不可不貴所謂女德者臣 關雖后妃之德人倫之始風化天下皆美太任太似 本由太任其詩曰思齊太任文王之母思媚周姜京室 以御于家邦言文王之化自家及國以正天下也周南 之婦太似嗣徽音則百斯男又曰刑于寡妻至于兄弟 侯周之子孫徧于天下太姒之德也詩人美文王之聖 後也太如生十子武王周公皆聖人也其餘皆為顯諸

大きり事という

歷代名臣奏議

恭惟本朝太祖皇帝以来家道正而人倫明歷世皆有 后皆有后德出於熟賢之家其餘敗亂足以為戒而已 後漢顯宗明德馬后唐太宗文德長孫后憲宗懿安郭 世以為永鑒者也秦漢以後昏姻多不正無足取法惟 姜嫄其亡也以襃似此皆聖賢所紀詩書所載垂之後 以末喜商之與也以有城其亡也以妲己周之與也以 皆有賢妃其亡也皆有孽女夏之與也以塗山其亡也 聞禮本夫婦詩始后妃治亂因之與亡繁馬三代之與

金历世后名言

100 DIST DIAG 代王母家簿氏君子長者乃立代王是為文帝文帝為 一就可以當之然置門之德不可著見必視其世族觀其 世子孫之計選卜窈窕以母儀萬國表正六官非有德 聖后內德之助自三代以後未有如本朝家法也皇帝 欲立高帝子齊王皆曰王母家腳釣惡戾虎而冠者也 祖考察其家風參以庶事亦可知也昔漢之初大臣議 陛下遠觀上古近鑒後世上思天地宗廟之奉下為萬 聖德明茂春質純粹天監在下必生 聖女以佑皇家惟 歷代名臣奏議

大昏既至冕而親迎親之也是故君子興敬為親拾敬 隆禮者臣聞天子之與后猶天之與地日之與月陰之 漢之賢主亦由其母家仁善也故女德不可不先所謂 為大所以治禮散為大敬之至矣大昏為大大昏至矣 孔子對魯哀公曰古之為政爱人為大所以治愛人禮 之謂盛德又曰天子修男教父道也后修女順母道也 與陽相須而後成者也禮曰天子聽男教后聽女順天 子理陽道后治陰德教順成俗內外和順國家理治此

金好四月全書

卷七十五

主也敢不敬樂禮又曰元冕齊戒思神陰陽也將以為 欠こりをいます 社稷主為先祖後其可以不致敬乎又曰敬而親之先 曰昔三代明王之政必敬其妻子也有道妻也者親之 昏萬世之嗣也君何謂已重馬盖深非之也孔子遂言 社稷之主君何謂已重乎又曰天地不合萬物不生大 色而對日合二姓之好以繼先聖之後以為天地宗廟 是遺親也弗爱不親弗敬不正愛與敬其政之本飲衣 公口寡人預有言然冕而親迎不已重乎孔子愀然作 歷代名臣奏議

言天子無妻告人無匹也如此則是周公之典孔子之 士禮而無天子諸侯之禮故三代以来唯以士禮推而 言皆不可信而首卿之言可信也臣謹按禮冠昏唯有 於士則一也臣竊聞親王宗室之間娶妻殊無齊體之 上之為天子諸侯之禮盖以成人之與夫婦自天子至 之禮參酌其宜不為過隆頭陛下勿以為疑進言者必 曰天子至尊無敵於天下不當行夫婦之禮而首卿有 王之所以得天下也今臣與衆官討論講議皆約先王

金员四届全書

というをいまう 也吕夷簡定其議故其詔曰覽上室之敷言其冊曰宗 后上公逆之諸侯主之故春秋書祭公来遂逆王后于 先天下故禮不可不隆所謂博議者臣聞古者天子聘 流宫禁有涉於此者碩陛下一切屏絕之以正基本以 鄙隱之禮或雜戎狄之俗或習委卷之風下自士族上 禮敬而親之之義天下豈有獨尊而無偶配者哉至於 紀夫國有大事大臣不容不預聞也昔慈聖光獻之立 公鼎臣誦言于朝先是茶商陳氏女亦預選擇王曾宋 歷代名臣奏議

古誤人主者多由此言也天子以四海為家中外之事 若出其姓氏宣問大臣若聖志既定而衆議愈同則卜 則大臣雖有所見亦難乎論議矣今陛下之所選擇莫 后以母天下乎臣恐陛下一日降詔云立某氏為皇后 且陛下用一執政進一近臣必欲協天下人望況立皇 熟非陛下家事大臣無不可預之事亦無不當預之人 者能從眾也進言者必曰此陛下家事非外人所預自 一段皆以為言大臣繼有言者遂罷陳氏仁宗所以為聖

金好四屆全書

卷七十五

靈協從思神其依天人之意無不同矣故議不可不博 臣幸備勤講其職在以帝王之事裨益理德故敢献其 所聞臣之愚誠惟中宫正位之後四海之內室家相慶 則宗社之福也狂替之言惟陛下留聽干冒宸嚴臣無 七年祖禹又奏曰臣近以權住經延久不進講陛下今 任惶懼俟罪之至 月一日已御遍英又先降聖旨過端午未住講讀此見 陛下好學之至也而臣自五日以後北郊奉祠未獲入 21. 10.00 2.60

祖禹曰家人之道以内為主女正則家正矣故其利在 代奏事伏望聖慈少賜省覽臣無任惶懼激切之至臣 敢撰集所聞先聖先賢之言為解義一篇謹録上進以 易家人之卦乃聖人所以定天下之端本臣輕不自揆 外美風化将以為萬世法臣愚竊為陛下重之謹按周 皆不及也今陛下納后以承天地以奉祖宗内盡孝養 恭惟本朝祖宗家法自三代以還蓋未之有由漢以 侍代親中宫初建將行嘉禮實為正始之道王化之基

金好四周全書

卷七十五

尊男子居外女子居内男不言內女 不言外男女之 后聽女順天子理陽道后治陰德天子聽外治后聽 莫大於此此天地之義陰陽之分也禮曰天子聽男教 謂九五也六二以柔得位而居中九五以剛得位而居 女之正录曰家人女正位乎內謂六二也男正位乎外 ここうこう ことう 之與后猶日之與月陰之與陽相須而後成者也其可 以不正乎天子者天下之君也諸侯者一國之君也 教順成俗外內和順國家理治此之謂盛德故天子 歷代名臣奏議 内

一多玩四月全書 而天下之為兄弟者定釐降二女于為的嬪于虞而天 道則義婦得婦之道則聽如此然後家道正推而行之 道則孝兄得兄之道則友弟得弟之道則恭夫得夫之 也諸侯則一國之所嚴也父母則一家之所嚴也故家 母者一家之君也君不可以不嚴天子則天下之所嚴 瞽叟成豫而天下之為父子者定象憂亦憂象喜亦喜 以治天下故正家而天下定矣舜文王是也舜事父母 人有嚴君馬父母之謂也父得父之道則慈子得子之

次已马事公島 室出其言不善則千里之外違之況其適者乎言出乎 居其室出其言善則千里之外應之況其適者乎居其 也言必有物行必有常所以為家人法也孔子曰君子 由内以相成故文中子曰明内而齊外也君子之居家 齊家齊而後國治國治而後天下平象曰風自火出家 兄弟以御于家邦大學曰心正而後身修身修而後家 下之為夫婦者定文王孝於王季太任刑於太姒友于 人何謂也離火也巽風也火在內而風在外家人之道 歷代名臣奏議

如故周亡晋獻公惠於驪姬三世大亂唐高宗制於武 禁惑於末喜故夏亡紂惑於妲己故商亡幽王惑於褒 君子言有物行有常無僻志無淫好所以開家也昔者 既清而後嚴之則悔矣孟子曰身不行道不行於妻子 法在始當治之於未變嚴之於未瀆也既變而後治之 家之始故必防開之然後悔可亡王弼曰凡教在初而 也可不慎乎初九日間有家悔亡何謂也處家之初治 身加乎民行發乎通見乎遠言行君子之所以動天地 酒漿邁豆遊醢禮相助奠后妃在父母家則志在於 麻枲治絲繭織紅組糾學女事以供衣服觀於祭祀納 **饋則正而吉矣古者女子十年不出姆教婉娩聽從執** 道也妻道也臣道也地道無成而代有終也陰不為倡 陽不為和故坤道柔順承天而時行妻道無攸遂在中 也六二曰無攸遂在中饋貞吉何謂也坤之文言曰地 初也尉之在於人心未變之時故象曰開有家志未變 后唐祚中絕中宗制於韋后身陷大禍皆不能開之於一

とこうをいる

歷代名臣奏議

五五

之晨惟家之索今商王受惟婦言是用詩人刺幽王曰 遂在中饋之事也三代之亡皆以孽女亂政不修其職 亦采蘋藻盛之箱宫湘之舒釜以供祭祀之用皆無攸 則諸侯之夫人采蘩于治沚用之公侯之事大夫之妻 君子內有進賢之志而無險該私謁之心關雎之化行 妃之德其職在於供荇菜備庶物以奉宗廟又當輔佐 而預外事故武王數紂曰古人有言曰牝雞無晨牝雞 工之事恭儉節用服澣濯之衣尊敬師傅故關雎美后

金牙四月石書

次記事をい 節也六四回富家大吉何謂也以陰處陰體柔居異少 道主於嚴敬故象曰家人鳴鳴未失也婦子嘻嘻失家 雖危猶不失古婦子嘻嘻言笑無節終必有本凡家之 寧過乎恭家與其瀆寧過乎嚴故家人鳴鳴至於有悔 生自婦人又曰赫赫宗周襄妙威之皆及此者也九三 哲夫成城哲婦領城婦有長舌惟属之階亂匪降自天 居下卦之上為家人之長剛嚴者也王弼曰行與其慢 曰家人鳴鳴悔属吉婦子嘻嘻終各何謂也以陽處陽 歴代名臣奏談

也如此國家順矣孟子曰天下之本在國國之本在家 富於財而已家之當猶人之肥也禮曰父子篤兄弟睦 及子妃以及妃君行此三者則慎乎天下矣太王之道 身愛人如爱身治天下如治家孔子曰身以及身子以 天下為一家以中國為一人故視天下如家視百姓如 勿恤吉何謂也陽居君位以家道治天下者也聖人以 夫婦和家之肥也其大吉不亦宜乎九五曰王假有家

長有禮各得其序以聽於上故象曰順在位也富者非

金罗巴人生

家之終誠發於中而著於外人皆信之故曰有字治家 文王是也上九日有字威如終吉何謂也以陽居上處 國人先王欲正天下必自家始此家人之盛也故勿恤 而吉王弼曰王至斯道以有其家古之人有行之者舜 曰之子于歸宜其家人大學曰宜其家人而後可以教 外成此以家道治天下而四海之内莫不交相爱也詩 八元使布五教于四方父義母慈兄友弟恭子孝内平

家之本在身修身所以治人正家所以治天下也舜舉

たこりをときる

歷代名臣奏議

終吉者乎故象曰威如之古及身之謂也 道本諸身故治家者始於修身終則及諸其身其身正 動而見畏曰畏人何如動而見侮曰侮人夫見畏與見 有威可畏謂之威揚雄曰貌重則有威又曰或問何 也嚴之者所以常久也孔子曰君子不重則不威傳曰 而天下歸之矣身處威敬人亦畏敬之夫如是豈有不 侮無不由已又曰人必其自敬也然後人敬之君子之

金牙四尾全書

之道初則開之終則嚴之故曰威如開之者制於未變 卷七十五

禮文雖不盡見然禮記及周禮儀禮述大昏之義列媒 歷年長久未聞以聘納之際參以陰陽數術者也三代 他不回其徽音可繼故輔其君子世世修徳昭受天命 姜娘周姜太任太奴之賢皆聖賢之後大邦之子其盛 昏禮其敬謹重正如此詩人推原周家受命之本上陳 婚姻之始皆博訪令族祭求有德然後昭告宗廟成以 猶日之與月陰之與陽相須而後成是以自古聖主有 元祐六年太常丞吕希純上秦曰臣竊以天子之與后 歷代名臣奏議

欠正日草八子言

X

其誰不知除日前供到家狀猶或可信外若今日以後 萬世福是宣勘婚之力於其婚書詞義鄙淺及日官元 集太史而議年命也然而昭憲太后實生太祖太宗為 雖有婚書然自祖宗以来每建中盡皆采用德閥不專 约之職載六禮之儀稍為詳備略無男女年命勘婚文 以勘選為事且宣祖皇帝方在側微天作之合固未當 不自信臣所愿者自降選后指揮已是逾歲誕聖年月 以至漢唐而下史策所載亦無此制本朝制司天之官

金男 巴尼白書

貴賤之殊其於親爱盖亦同爾乃敢斷然不用者豈非 當推己之所安以事君上不可如卜祝之論好以逃責 以勘合年命為難信界去拘忌為安便邪為人臣者固 愛之念固欲盡衆美以副宸心然則服肱大臣亦宜以 而已皇帝於后妃之議方當議抑不言太皇太后推慈 法豈復可憑則恐論議遲遲徒為過謹曠日持久無益 更令餘家供析安知不改易女命以求附會雖盡合書 てこう。早にす 身任其責況即今公卿士大夫之家例不勘婚人雖有 1 歷代名臣奏説

時公議莫不疑惑誠以國家有仁祖故事不可不遵用 安得不謹今陛下為天下擇母而所立乃賢妃劉氏一 后治陰德天子聽外治后聽內職然則立后以配天子 元符元年翰林學士鄒浩上奏曰臣間禮曰天子之與 而已故臣敢因緣職事輕貢替言伏惟聖慈少賜裁擇 之耳盖皇后郭氏與美人尚氏争寵致罪仁祖既廢后 后 不旋踵并斥美人所以示公也及至立后則不選於妃 猶日之與月陰之與陽相須而成者也天子理陽道

金好四月全書

大きり事ととコー 嬪以遠媽亦有仁宗故事存馬二者必居一於此矣不 固不得而知也果不與賢妃争寵而致罪乎世亦不得 孟氏之罪未當付外雜治果與賢妃争寵而致罪乎世 可得而逃也沉孟氏罪廢之初天下孰不疑賢妃必為 有仁祖故事存馬若不與賢妃争寵而致罪則不立妃 下萬世法也陛下以罪廢孟氏與廢郭氏實無以異然 知也若與賢妃争罷而致罪則并斥美人以示公固 歷代名臣奏議 丰

嬪必選於貴族而立慈聖光獻所以遠嫌也所以為天

|萬一自此以後士大夫有以妄為妻臣寮糾劾以聞陛 莫之信矣載在史冊傳示萬世不免上累聖德可不惜 無以妄為妻況陛下之聖高出三王之上其可忽此乎 我且五霸者三王之罪人也其葵丘之會載書猶且曰 亂名分而重賜譴責於是天下始釋然不疑陛下立后 后及讀記書有别選賢族之語又聞陛下臨朝慨歎 之意在賢妃也今果立之則天下之所以期陛下者皆 廢后為國家不幸又見宗景有立妾之請陛下怒其軽

金豆巨匠

LITTE

以来有為五伯之所不為者以自比是豈先帝之論乎 以二帝三王為法斥两漢而下不取今陛下乃引自漢 孝追奉休烈惟恐一毫不當先帝之意然先帝在位動 其為害可勝道我尤不可不察也臣伏親陛下天性仁 不成事不成則禮樂不與禮樂不與則刑罰不中刑罰 下效難以責人孔子四名不正則言不順言不順則事 下何以處之不治則傷化敗俗無以為國治之則上行 不中則民無所錯手足名之不正遂至民無所錯手足

欠己日年八三

歷代名臣奏議

事體迥然異矣若曰賢妃冠德後官亦如貴人鍾英甲 當有子也所以立為后者以鍾英甲族故也又況貴人 符立后事以為所咨之故實臣請論其所以然者若曰 有子可以為后則永平中貴人馬氏固未嘗有子也所 之系實馬援之女德妃之時且無廢后之頗其與賢妃 以立為后者以德冠後官故也祥符中德妃劉氏亦未 觀白麻內再三言之者不過稱賢妃有子及引永平祥 是豈繼志述事所當然者乎此尤公議之所未喻也臣

金牙匹匠白書

|甚至尤宜思所以動天而致然者考之人事既如彼求 欠らり与ときす 之天意又如此安可不留聖愿乎夫成湯聖君也仲虺 繼日已而飛電又自告天地宗廟社稷以来除雪不止 實隨駕以往是日雷作其變甚異今又宣麻之後大雨 故事便立之乎必遷延四年以待今日果何意邪必欲 族亦如德妃則何不於孟氏罪廢之初用立慈聖光獻 以動人心則上天之意益可見矣陛下事天甚謹畏天 以此示天下果信之邪無臣聞頃年冬享景靈宮賢妃 歷代名臣奏談

伏望聖慈深賜照納不以一改命為甚難而以萬世公 一舜如陛下之聖而於身親見之乎是以不敢爱身冒犯 京常急唐太宗猶有恥君不及堯舜之臣況直可以為堯 於此矣惟陛下俯後而改之不以為春則萬世之下所 天威圖報陛下親自識拔天恩之萬一而區區血誠盡 以拒諫而告以從諫則聖臣雖至愚不足以方古諫者 不稱其無過而稱其改過不各高宗賢君也傳說不告 以誦陛下之聖者亦將在成湯高宗之上矣豈不美哉

金男 巴居 有事

意臣以受恩殊常固當知無不言以伸補報問避僭易 たらりをさます 太后聖意指揮更令禮官子細詳定務合中制以副聖 所行典禮為萬世尊仰不必專籍明肅伏望特自太皇 殿受冊縁自太皇太后同政以来至仁盛德高掩前古 近聞将来太皇太后冊禮並依明肅太后故事於文德 哲宗時右諫議大夫范純仁論太皇太后冊禮疏曰臣 天意下慰人心為宗廟社稷無疆之計不勝幸甚 議為足畏追停冊禮別選賢族如初記施行庶幾上答 歷代名臣奏議

陳次升奏曰臣伏親詔書以皇后孟氏旁惑邪言陰挾 誠乞賜来録 皆經典之法言在聖明正所當務臣不勝區區犬馬之 變盈而流讓思神害盈而福謹人道惡盈而好謹 之罪伏望聖慈於察易謹卦稱天道虧盈而益謹地道 金牙四层全書 奉承兩宫慈訓廢皇后孟氏為華陽教主降韶以告中 媚道迨從完驗證左甚明而陛下斷以大義不牵私思 而四盆役之又曰謹尊而光尚書曰滿招損讓受益此 卷七十五 誡

乞陛下親選在庭侍從或臺諫官公正無所阿附之人 耳安知情罪之虚實萬一冤濫為天下後世議笑臣欲 言一告廢之逐之不足深恤自古推鞫殺訟皆付外庭 未有宫禁自治萬下付屬官之手陛下但見案贖之具 惶惑固無足怪臣竊謂后之廢立事體至重若臣下 有司雖問追驗證左而事迹秘密朝臣猶不預聞士庶 咸相與為之咨嗟彈指良可數也盖以所治之獄不經 外命下之日士庶惶惑謂后無可廢之罪而陛下廢之 歷八名臣奏議

動静而定是非於欲辭此前日之所以為率易也古人 施行理當將順然而臣竊以謂天下大事無過此者前 對清光面奉聖訓知宸袁之所慮合天下之公心事可 徽宗時任伯雨上言曰臣近具封章論瑶華事前日得 一廢之人自無言今事不經有司獄成屬官此天下人心 專置制院別行推勘庶得實情如后之罪在所不容雖 日之廢既出於率易今日之復安可以忽遽以母儀之 不能無疑也伏望聖慈特降春古施行

彭庆匹库全書

卷七十五

こううう シニラ 又沉掖廷秘獄治世所無婦人柔弱豈勝雖姓遂以文 以為死有餘罪何則鍛鍊者衆文致之罪明也故天下 **箍楚之下何求而不得故奏憤之成雖使皐陶聽之皆** 有言曰獄者天下之大命也人情安則樂生痛則思死 陛下今日豈可輕改若言近經大赦恩需普索豈唯瑶 也然以訓出兩宮則先帝當時不得不從事干泰陵則 致之罪因動母儀之尊此固非所以習天下而崇堂陛 之患莫深於獄敗法亂正離親塞道莫甚於治獄之吏 歷代名臣奏議

言兩官無堅確之命若審如此則皇太后下一部書明 繼述自護其短又安敢以先帝當悔之言為不然乎雖 白其事陛下奉付外廷使議典禮縱令遂非之人託於 日部令之本古也而外議藉藉皆以為先帝有常悔之 臣故以為不然也瑶華得罪於先帝見棄於两宮此前 人而設耳昔以為有罪断之於掛辭今以為無過均之 華獨不昭雪臣尤以此論為不然也蓋朝廷赦宥為罪 以赦宥則是廢與動静與衆同科慢而不嚴於體未順

一多玩四月全書

神人協慶海寓同歡竊讀易家人家辭曰父父子子兄 制書令有司消日冊賢妃為皇后乾道當陽坤儀配極 高宗紹興三十二年張浚奏曰臣恭親進奏院報已降 慈聞詳擇施行 臣故曰不可以忽遽也且五年安於寂靜豈有數月而 考故事必如禮而後可動如是則事正體嚴始終無礙 然記書之文當有體要必熟議而後可發廢者之復當 アスラーラ ころう 不能待乎事之大者尤當以欲速為戒伏望聖慈上禀 胜代名臣奏議 芙

風自火出仰惟皇帝陛下聖學高明而事親以孝撫 之譬則化也火之譬則禮也禮修於身化行於外是為 治之道必自內始臣復考其象辭風自火出為家人風 兄弟弟夫夫婦婦而家道正正家而天下定矣是知致 光宗時李皇后沒預政倪思進講姜氏會齊侯于樂因 刑家刑家以齊國克謹細微以先天下治化之隆指日 以仁御事以斷凡有所為無一不合於禮方將正身以 可俟四海幸甚臣欽聞詔命無任於躍鼓舞之誠

多玩四月全書

卷七十五

奏人主治國必自齊家始家之不能齊者不能防其漸 憲厥後然其道不過自內以刑外正本以及末而所謂 也始於褻押終於恣横率至於陰陽易位內外無別甚 公也上悚然 則離問父子漢之吕氏唐之武章幾至亂亡不但魯莊 刑名度數政事法制有不在察察然也自秦以来唯務 永無愆古之哲王出而照臨萬國必有宏綱大紀以胎 起居舎人彭龜年上奏曰臣聞書曰監于先王成憲其

たこうらんき

歷代名臣奏議

後未有若本朝家法者也日大防當元祐時當侍過英 拯亂傾否具有本末越中古不止一事而先民推其所 此然則治道之不如古無責耳矣唯我祖宗受天明命 道者也三代以後唯漢唐號為小康其間賢君猶愧於 講讀因進曰本朝百三十年中外無事盖由所立家法 于寡妻至于兄弟以御于家邦者悖謬特甚盖有不恐 以致豐大之業者必以家法言之范祖禹曰自三代以 以法制下凡治人之具求之已詳而分内之事所謂刑

卷七十五

有昭容位本朝宫禁嚴密內外整肅此治內之法也前 こうううしょう 稍冒寒暑雨此勤身之法也前代人主在禁中冠服尚 宗皆步自內廷出御後嚴豈乏人力哉亦欲步歷廣廷 赤白此尚儉之法也前代人君雖在宫聞出與入華祖 此待外戚之法也前代宫室皆尚華侈本朝宫室止用 代外戚多預政事常致敗亂本朝母后之族皆不預事 祖宗以来燕居必以禮此尚禮之法也至於虚已納 歷代名臣奏講

最善前代宫闡多不肅宫人或與廷臣相見唐入問圖

治聖鑒其目則器循會要之舊其事則多本長編之書 本因得竊讀於是祖宗修之身刑之家者可以略見 成均成均舊有國朝會要及李燾續資治通鑑長編録 聞小說不敢盡信抱此志願半世莫伸昨蒙陛下官之 **欲採摭祖宗家法類為一書而遐方賤吏不見國史傳** 羊肉此皆祖宗家法足以致太平者臣當因二臣之言 諫不好畋獵不尚玩好不用玉器飲食不貴異味止用 多玩匹厚全書 二遂安編次以成一書取監于先王成憲之義名曰內 卷七十五

告而娶二妃帝嚳娶四妃法天之四星周丈王一后三 大臣日奉公言 又曰臣伏見本朝富有四海禮樂制度莫不一新宫禁 夫人嬪御有數選求淑媛以充後官帝王之制也然女 無美惡入宫見妒陛下欲廣嗣續不可不知而告戒之 金熙宗時翰林待制無右諫議大夫程家奏曰虞舜不 君之心竊庶幾馬謹繕寫成編投進以備乙夜之覽 輕復論著遺逸差繆不敢謂無然而區區二臣憂國愛 一時名臣奏請有足裨補聖治者亦復採録問有愚見 歷代名臣奏議

